


KESO KE JANA WELATÊ XO BIZANO ZEY CEGERXWÎNÎ, BENO NEMIRÊ ŞARÊ XO



Cegerxwîn keseko zerrnizm û zana bi

Nameyê ey yo raşfin, Şêxmûs Hesen o
û lajê Mihemedê Mehmûdê Elîyî yo.


Cuyê xo zor û zehmetî reyde
vîyarnawo. Qiğîfiya xo de sewî maneno

Cegerxwîn, heskerê kurdî be. Bi hîş û fîkrê xo, bi vîr û bawerîya xo, we-
latperwerêko erjîyaye be. Cegerxwînî rastîya nezaneyî, xizaneyî û
perişanîya mîletê xo baş zanayê. Hember zilm û tehdaya ke kurdan ser ro
bîyê, têkoşîne dayê. Kurdistan de heme çiy çiman ra vîyarnayî, eleqederê
heme hedîseyanê netewîyan bîynî... RÜPEL 7



Bendawîy sînor ê?

Serdestiy na game wazene bi
bendawan, kurdan jûbînan ra
perce bikerê. HESan virazene û
kenê sînor ke, kurdîy bendawan
ra, di bin kontrola qereqolan ra
bişîyerê... RÜPEL 5



Edalet ci ca yo?

Tirkîya de, edalet nêmendo.
Her roj İHD û rayîrberê sazî
yê sivîlan daxûyanîyany danê
ke, wa AKP bikewo rayîro
raşt. 300 roj o ke Ocalînî rey
de pêvînayîş nêbeno... RÜPEL 4



Berastengî mexdûr ê.


Semedê berastenganê
Tirkîyayî, tikey rehet rayîra
bişerê û astengîyê ke ïnan ver
de yê, bêrê wedartîş, qanûnîy
vetîy. Hetanê na game qanûnê
xo zî nîyardê ca... RÜPEL 5

Welat VERROJ

Ziwan nasname yo, ziwan rûmet o... Pêveka Azadiya Welati ya, belaş a. 04-05-2012 Hewtane HÛMARE: 4 e-mail: welatverroj@gmail.com

Kam biwano beno mamoste

Lîseya Spor û Huneranê Weşan ya Amedî, hetanê na game nîzdê 600 wendo-
xan perwerde kerdê û hemeyê ïnan na game mamostefî kenê. Wendorxê lîseye,
beşa wêneyî, nîzdîyê se ra 90yî qezaya Amedî Pîran ra yê. Beşa muzîkî zî Koserî ra yê...



ESPIRÎYA LÎSEYÎ ÇÎÇÎ YO?

Ney lîseyî de espirîyeka zelale est a.
Pîranijan û Koserijan na espirîye weş
fam kerda. Zanê ke eger na lîseye
biqedînê û tikey jîr û kedkar bibê,
herî tayn benê mamosteyêk û cuyê xo
îdame kenê, muhtacê keseke zî
nêbenê. Çîyo herî weş, wendorx gere
biwazo kî bibo...

WENDOXAN BÎYARÊ QEYD BIKERÊ

Lîseya razayane ya, veng dana
gedeyanê ke marîfetê ïnan yê zey;
wêne, muzîk û sporî est o, wa bêrê
biwanê û demêko kilmî de bibê
mamoste û bibê wayir pîşeyî ke destê
ïnan pere têpeşo. Bi ney hawayî ra
bêrê Lîseya Huneranê Weşan ke,
cuyayışî de tenganey mancê... RÜPEL 7

Kîtaban şirawenê zindana Amedî

Saziya Nuştoxê Cenîyan emser amî Fuarî Amedî de stand akerd. Miyanê ey nuştoxan ra
Sevim Dînç ard ziwan ke, wazene nika ra pey Amedî de xebat bivirazê. Semedê ey
ziqampanyayêke danê destpêkerdene û wina vat: "Bi nameyê KCK zaf operasyonî
amey viraştiş. Ëy operasyonan de, zaf cenîy zî eştiy zîndan. Ma zî wazene alîkarî bidê ey
cenîyan, semedê naye zî ma yew kampanya amede kerde... RÜPEL 3

'Zarokên Rojê' vejya

Kovara gedeyan, bi nuşteyê gedeyan
neşir bena. 4 cenîy hetkariye kenê û
kovarî vejenê. Armanca ïnan hember
asîmlâşyonî, ziwan û kultirê kurdan
bipawê û aver biberê yo... RÜPEL 3

Xemla koyê Çewlîgî dar û
daristan, zinar û bi
hezaran tewrê villikî yê.
Tij Çewlîk de yewne qede
ya. Tij, xemla Çewlîgî ya.
Demo ke tije vejîna, verê
verkan sûr a û bedilyena
beno rengê welatî

MUSTEFA ŞAHÎN

Çewlîk zêderê bi koyanê xo yê berzan yena şinasnayenê. Koyê tîya tewr paştê xo daya yewbinan, kes vano qey, nê têdest ra yê. Mítolojîyê Çewlîgijan de, wexta birayetî têverrober benê, ‘biray sey koyê, merdimî rê her yew bira yew ko yo’ vanê. Ëno zanayenê ko hez, starîy û birafti ya. Koyî rehmekê, dost û caye ewleye yê.

Hikayeyê koyanê tîya pêro ef-sûmî yê. Koyan sero de epey gole kraterî estiy.

Nê nêweşan kenê weş, merdî ganî kenê. Nê çirokan ra yew zî anehawa ya. Rivayet beno ke, wextan ra Key Îskendero Gird seba seferîya Ïran Çewlîk ra ravereno. Zaf nêwes kuno. Hekîme lokman tera vano; “Tîya de awe esta, na awe bi name ya ‘abi heyat’ yena zaneyenê. Şimi-tîşê na awe tewsiye keno. Key Îskender bi na awe beno weş-war û emir dano vano: “Gêra şima ewro ra pey tîya ra vajî Çebexçur. Çebexçur bi ziwanê Makdîsi de mana “Awe ceneti” de şuxulîyena.

Şarî Çewlîk, xo benate de, wexta ke tîya name kenê ‘Çolig yan zî Çewlîk’ vanî. No zî yeno vateyê caye rez û bexçan. Rastîya. Hemê cayê Çewlîk, pêro bexçe yê.

Tarîxa Bîzansan, Seyahatname Ewlîya Çelebi de zî çîroka nameyê Çewlîk nusîyayê.

Cekûya “gol” kurdi ya. Kerta “bîn” zî goreyê min, vate henzarî de nêameya şuxulnayenê. Cekûya “benê û bîn” nezdîyê “bîn” yî yê û hurdhemînî serra se kurdi yê. No name beno ke “benê gol an zî binî golî ra viraziya yê.

MEHMÛD NÊSÎTE

Ez nêwazena reyna dest pêbikerî û neçarıya ziwanê ma û kemanîya ziwanê ma û kul û qotikê kirmancîya ma şima rê rîz kerî. La ez wazena ganî şima wendoxê erjîyayî zî halê kirmancîya ma ya nuştekî hol bizanê.

Derd vatiş û derdî rê bermayış meseleyê kirdîkî ya ma hel nêkeno. Seba helkerdişê meseleyî icraet lazim o, faelîyet lazim o, pratîk lazim o. Eke ma bi nê metodan bîewnîyê mesele ra, yanî bi icraet, bi faelîyet û bi pratîk bîewnîyê çarekerdişê meseleyê kirmancîkî ra vetişê rojnameyî, vetişê “Verrojî” gamêka erjîyayin a û gamêka rumetin a, gamêka pîrozin a.

Mi seba nê armancî Verrojî rê nuşt û

Vinayenê tîja

Çewlîgî



Xemla koyê Çewlîgî nê tena dar û daristan ê. Nê tena zinar û bi hezaran tewrê villikî yê. Tij Çewlîk de yewne qede ya. Tij, xemla Çewlîgî ya.

Demo ke tije vejîna, verê verkan sûr a. Dormareyê nê rengî de seg tîkene tewrî rengê sûrî dekorî kerda, Kesan mît û mat veradana. Taye wext ser şino nê rengî hêdî-hêdî tarî benê.

Sefeqî siba, koyê Binîgol serdin o. Tarîbiyîyi tijî rî, hewa zî pera serdin beno, xo peşeno xweza ra û laşê ra. Laşê qers qena. Û laş, him tesîra tersî û him zê serd ver ro xofê dera, mucîze pawena. Mucîzeya rehmekî pawena. Ci bawerî xo rê ana, ez nê zana. Zaf kes dua kenê. Beno ke na bawerî Zerdeşî ra ya.

Ëno zaneyenê, bin hêşê kurdan da, rengê mergî, tenatî û bêkesî tarî yo. Aye ra yo kurd tarî ra tersenê. Sûrbîyayîşa tijê pera-pera rengê taroma adir gena. Benate nê taromî

adirî de hîrê lekeyê tarî xo ramojnenê. Na hele, tij aso (ufuk) de sere de yewne qede xo ramojnena. Eyi ke ewnîyenê, temaşê kenê şâş manenê. Tijê bîya qulincêyê zerde û sere qotarî ra ronîya wa.

Hurdhemîne hetanê xo sero gêrena fênda ke reqs kena. Çiyê tera vila benê. Kes nézano, nê zerîye zerdi yê yan zî, eşqî zerî yê. Heta xo resnena hewt katê herd, reng dana çimanê nebat û mehluqatan. Kes pu vejeno ke nê rengê rengan, hemê gemarîya Dinya şuwenê. Çiyo ke hetanê a hele asmîn sero nêameyo esayış, kesî ke tîya de ewnîyenê ê çiyan, ey vînenê.

Bade nê bîyayenê ra pey, xeyrî ixtîyârê çiman ra hesir yenê war. Her hal de no zî yew hesretî merdimî yo. Xweza zî şarê kurd rê hesir rewa dîyo... Hêdî-hedî roşn zedî-yeno. No roşn roşnî welatî yo.

Verroj'

ez seba nê armancî zî binusî. Mi pişti da Verrojî û ezê pişti bidî ci zî. Çunke ez bawer a ke rojname do xizmetê averşiyîşê kirmancîkî bikero. Bi hacetê (alet) nê rojnameyî kirmancîya (zazakî) ma ya rindeke do hîna rîndek bîbo û do gamêk-di gamî aver şêro.

Hetanî nika bi na hûmare, hûmara çarîn a ke vejîyena. Ez bi xo hetê redaksîyon û rastnuştişî ra tayê probleman vînena, labelê reyna zî tera memnun a. Ez hêvî kena ke roje bi roje do hîna başêr bîbo.

Mi nuşteyê xo yê yewin de wazîfeyê rojnameyan goreyê fehmê

xo nuştibî. Û mi vatîbî, “wazîfeyê rojnameyan ra yew wazîfe zî ziwanî rê xizmetkerdiş o. Rojnameyê şarî bînan senî ziwanê şarî xo rê xizmet kenî ganî rojnameyê ma kurdan (kirmancî-kirmancîkî) zî ziwanê kurdîkî ya nuştekî rê xizmet bikerî. Kurdkîya nuştekî aver berî”.

Gelo yew rojname do nê şertê ewroyînî de kirmancîkî rê senî bîbo hetkar û do senî ci rê xizmet bikerî? Her kes şikeno goreyê xo cewabê nê persî bido.

Mi gore zî cewabê nê persî, yew rojname, derheqê rastnuştişî de û derheqê “Sistemê” kirmancîkî de ganî zaf xesas bo. Ganî nê warî de xo berpirsîyar bivîno. Berpirsîyarîa yew rojnameyî şenik nîya! Ganî ma, binê toqa xo bi destanê xo nêsocê! Zafane

Sadax

Xoser Welat

xoserwelat@gmail.com



Ti kam î?

Di televîzyonê de, bi nameyê “Se Serra Muhteseme” rîzefilmêk yena kayekerdiş. Rîzefilmê de di çiyê balkêşîy est ê ke, bi rewşa ewroyine yê se-rekwezîr û parlamenteş kurdîy ke di partîya ey de yê reyde têkildar ê. Balkêşîya yewine Sîltan Silêman tim û tim sedrazamî ra naye vano “ti hêza min bi kar arenê, na hêze min to rê bexş kerda, ez kam game biwaza ez o to ra bigera. Hêza min nîna barrekerdiş”

Balkêşîya diyine zî, itîbarê İbrahim Paşayî yo di miyanê şarî de. Tebaya mislimane zî vana, Paşa misilman niyo û senî sedra-mîya Dewleta Osmanîyan keno.

Şibeyayîş rewşa serekwezîr ya ewroyine û Sultan Silêmanî, di şexsê Huseyîn Çelikî de şibeyayîş parlamenteş kurdan, ke di partîya AKP ye de yê û rewşa İbrahim paşayî û şibeyayîş dek û dolabey ke rewşa dek û dolabanê ewroyinan ke, seba bidestfinayışê hêze yenê pêkardîş.

Wezîr karê zerreyî, ke zey rihe Hitlerî qiyam bikero, di derbarê hovîtiya Roboskê de vajîyayîşê kerde, keso ke xo ra vat ez însana şermaya û fedî kerde. H. Çelikî zî ney fedikerdiş ra fedî kerde û di no derbar de di çekûyî ardîziwan. Her kes hîvî be ke, serekwezîr senî agêro welat, do paştdayışê Çelikî bikero û di çekûyîş însanîyan o zî vajo. Labelê hîvî pûc vejî-yay. Serekwezîr sıfte ze Sultan Silêmanî, Çelikî ra vat, her çende ti hetkarê min ê zî, no miqam min bexşê to kerdo û ez kam game biwaza ez o to ra bigera. İnsanî bo zî, bê destûrê min, ti nêşikenê di çekûyan vajê. Ti kurdi, İdrîs tirk o û paştgiriya İdrîsi kerde. Nika parlamenteş kurdîy ke di partîya AKP ye de yê, rewşa şima û sedrazamî S. Silêmanî yew a. Heta ke şima hember şarî xo bîyerê bikarardiş û di na debare de sadîq bê, şima meqbûl ê. Nêke him di çimê serekwezîr û him zî di çimê şarî de, şima Î. Paşayo Pargîj ê.

zî ganî nuştoxê Verrojî zaf baldar bî!

Şarî ma derheqê rastnuştişê kirmancîkî de nezan o. La mîyanê şarî ma de kesê ke meraqdarê nuştiş û wendîşê kirmancîkî yê, estî. Kesê ke nuştişê rojnameyî xo rê kenê peyme zaf ê. Coka, ganî rojnameyî kirmancîkî nê wendoxan ra hayîya xo bîbo û wendoxan rast formule bikero!.

Eke ma şâş binusî û eke ma sistemê kirmancîkî ya xo yê ke xorîniya tarîxi ra ameya û resaya neslê ma, bixerepnê ma do o wext xizmetî ra zafîr, zerar bidê kirmancîkî xo. Îşala (boka/mela) tu rojname, tu kovar û tu hacetêk zerar nêdano kirmancîkî ya ya nuştekî. Bi nê waştian heme rojname û kavarânê kirmancîkî rî û “Verrojî” û rî serkewtiş wazena.

'Zarokê Rojê' vera asîmîlasyonî vindena

4 CENÎY ameyê yew ca û semedê gedeyan kovarî amede kerdî. Na xebata kovarî ê hem gedeyan a. Gedey û malbañî alîkarey bidê ke, ma ziwanî xo bipawê û geş bikerê

Nesrin ORAK - AMED

4 CENÎY AMEYÊ YEW CA û semedê gedeyan, kovarî amedê kerdê. Nê cenîy, wazanî ke, asîmîlasyono ke gedeyanê kurdan ser o beno, bidê vindarnayış. No semedî ra zî sifteyîn bi kovar dest pêkerdê. Nê Kovaran de, behsê heyvanan, bajaran, cilanî netewî û dahana zaf çiy ameyî kerdiş. Nê cenîyan ra yew zî Ruken Sarili ya. Sarili ard ziwan, serra 2004 de KURDÎ-DER abîya. KURDÎ-DER târixê 2008 de, bi alîkarîya Katalan û KURDÎ-DERe, mamesteyî amey perweerdekerî û belgeyê mamestetî girotî û dest bi xebatanê xo kerdî.

Kurmanc û kirmanc yew netew ê
Ruken Sarili wina dewam kerd, ez wazena ke naveroka Zarokê Rojê de xebatan bikera. Çimkî ez wazena heme kesîy wa ziwanê xo ra hes bikerî û wina domna: "Nezdîyê 2 aşman de ma na Kovara Zarokê Rojê nuşta. Kovarî ma weşanxaneya Aram û KURDÎ-DERe de roşenî. Kam wazeno se eşkeno nê saziyan de bigêro."

Ruken Sarili dima ra ard ziwan ke, armanca ïnan kurmanc û kirmancan bi



her hawayî hina zî nizdî jûbinan bikerê û vat ke "Ma zî semedê ey wazanî ke, hem kirmancî û hem zî kurmançî kovaran de bi ca bikerê. Ma wazanî gedey, ziwanî xo ra hes bikerî û no semed ra ma na xebate kerda."

Ma vernîya Asîmîlasyonî de vindeni

Waya Ruşen Sarili zî ked daya ney kovarî, ya xebetkara Azadiya Welati ya û 4 serrî yo ke Azadiya Welati de xebitîna. Ruşen Sarili zî ard ziwan: "Ez gedeyaya xo ra hetanî nika karikatur virazena. Hetanî nîka 4 kovarê "Zarokê Rojê" vejî yay ïnan ra 2 heban de karikatorê mi estîy. Mîyanî na (ina) xebata ma de, ma zaf gedeyan ser vindeni. Çimkî asîmîlasyon gedeyan ra dest pê kena. Ma zî, ey kovarî de zafîr na mijarî ser o vindeni. Ma wêneyî bajaran, fekiyan, cilanî netewî viraşti. Mi wêneyî kovarî viraşti. Ma kovarî de wazanî ke gedeyî kulture xo û ziwanê xo ra hes bikerî, semedî na zî, ma

dest pê kerd. Semedo ke kurdî zaf kesan ra giran aseno ra, mi waşt ke bi wêneyan bal banca wendîşê kurdî ser ke, wa daha asan bo"

4 heb cenîyîyan na xebete kerda

Gunes Ocaga zî xebatkara Azadiya Welat a Gunes Ocaga. Ay zî ard ziwan: "Ez 2 serrî yo ke Azadiya Welati de xebat kena û karê mi mîzanpaj o. Armaca mi zî ez wazena gedeyî ziwanê xo û kultûri xo, daha weş bişinasnê. Na kovara 4'in a, encax min kovara 2'yiñ ra dest pêkerd. Ma wazanî gedeyî kurdan, wa bi psikolojîya kurdî pîl bibî. Kovare ma de, ma zaf giranî day bajaran, heywanan û cilanî netewî ser. Bi goreyî mi, gedeyî, bi kultur û ziwanê xo wa pîlî bibî hina baş o."

Dima ra Ocaga wina domna: "Ma 4 cenîy kovarî sero de xebat kerd. Eger cenî biwazî eşkenî hemê çiy bikerî. Ez taxmîn kena heme gedey kovare ra zaf keyfeş ey û ez pêşnîyaz kena ke, heme geday wa kovara Zarokê Rojê biwanê."

Gedey wa nuşte biesrawê

Nuştoxa kirmancî Nesrin Navdar zî ard ziwan ke, 3 serrî yo ke ziwanê ser o xebat kena û wina dewam kerd: "Nê 4 kovarî, ma vejenî, encax kovara yewin de kirmancî çin bi. Semedî ey zî ma zaf rexnê girot. Ü dima ra mi zî des bi kovare kerd. Kirmancî de zaf kema-neya ma zî bî, ema ma kovare de ard ziwan. Kovare de KURDÎ-DER alîkarî dana ma. Ma rexnê hemê girotî diqet, nîka ra pey ma kovara de xebat vira-zî. Armancê ma, ma wazanî gedeyan nîkara pey asîmîle nêbi."

Ma maddîyatî da problem cuyenê

Ey xebata kovarî de hemê gedeyan û malbatan zî eşkenî alîkarî bide ma, eş-kenî bi nuşteyê zî alîkarey bidê. Ey nuşteyan de ma nameyê gedeyan danî. Gedeyanê ke wazanê û eşkenê binuşnê wa binuşnê. Wa şerm mekerê ke şaş o an zî kem o. Wa nuşte, helbest, wene an zî çiyanê bîn biesrawê ma ro. Ma dem

dem neşkenî kovar bivejî, çimkî, maddîya tî ra ma zaf zehmetey ocnenî. Kesaneke eşkenî alîkarî bide ma se zaf baş beno. Çimkî ma semedî gedeyan wazanî ke wa kovara gedeyî ma hertim bivejyo.

Wa gedey zî nikara pey wêne bivirazî bîşirawî ma û ma zî ey weneyî gedeyan û çiro-kanî ïnan kovarî de bica bi-kerê."



Sifteyîn ma kîtaban şirawenî zindana Amedî

NAWENDA XEBERAN - AMED

Sazîya Nuştoxe Cenîyan emserr amey Fûarî Amedî de stand akerbî. Mîyanî ey nuştoxan ra Sevîm Dînç ard ziwan ke, wazanî nikara pey Amedî de xebat bivirazî. Semedî ey zî ey qampanya dayê viraştene û wina vat: "Bi nameyî KCK zaf operasyon amey viraşti. Ey operasyonan de, zaf cenîy zî eşte zîndan. Ma zî wazanî alîkarî bi de ey

cenîya semedî ey zî ma yew kampanya amedî kerd. Kitaban arêkenî û dimara ra zî ma şirewenî zîndanan.

Semedî fikrî ïnan eşti zîndan

Dînçî wina dewamey da qiseyanî xo: Dima ra Dînç wina domna: "Cenîy semedî fikranê xo eşte zîndan. Ey hemê bê kanunî ameyî girotî." alîlarî day ma û ma zî wazanî semedî cenîyan edebîyat amade bik-


erî. Ma wazanî hemê kesan ziwanê xo de xo ifade bikerî. Çimkî goreyî ma, ziwan zaf muhîm a. Na cografya hetê ziwanan de zaf zengîn a. Lazimo ke heme kes ziwanê xo bi pawo."

40 hebîy endamî ma eşti


Nuştox Sevîm Dînç dewam kerd, ma . Nawenda ma İzmîrî de ya û bi 3 serek ma ser cenîyan de xebat kenî. İzmîrî de, nezdîya 40 endame ma eşti. Semedî ey zî ma wazanî cenîyan tena wa tekoşîna azadîya xo bikerî.

Kitaban ma şirawenî zîndana Amedî

Cenîy eger yewcayî de bê, û cesalet danê yewbînan se, eşkenî hemê çiy bikerî. Ma semedî cenîyan çîrok amedî kenî. Ey ra yew zî nameyîcîroka ma ya sifteyîn zî "Yew Şewa Tarî" ya, çimkî ma wazanî cenîyan xeber bidî nîkara pey, wa



pirsgirekanî xo bîyârî ziwan, ya zî, wa pirsgirekanî xo binûsî. Çimkî ma pirsgirekanî xo kîtabanî xo de nusenî. Ez pirsgirekanî xo û cuyayîşe xo nusena zaf bina keyflî. Çimkî hemê kesan wazanî kî xo ziwanê xo de xo ifade bikerî. Semedî cenîyan zî ma yew qumbara amadî kerd û kamî eşkeno se wa kîtabanî xo bidî wera bîyârî bide ma. Ü ma zî şirawenî zîndanan. Ey kîtabanî hemê ma şirawenî zîndanan û sere de zî ya Amedî de yo. Heme kes wa alîkarî bi dê ma."



'Erdogan qatîlê Roboskê û cenîyan o'

5 mengî ke qirkerdişê Roboskê ser o ravêra ema hewna zî AKPî berpirsiyarev qirkerdişî nîvetî û wazeno ke serê ci bigero. Hetê ra Erdogan medya hişyar û tehdît kerd ke wa bes qala Roboskê bikerê û vat: "Lazim o ke na mesela pey de bimano."

Hikûmata AKPeyî hinî kerdî ke,

hêzanê yay nêverdanî ke, malbatanê ke gedeyê xo, qirkerdişê Roboskê de vinî kerdê, bişerê mezelanê gedeyanê xo ziyaret bikerê.

Malbatê ke şiyê ziyaretî ra qereqolî persayo ke ci ra şiyê mezelan ser. Malbatîy zî vengday wekîlanê AKPe yî û vatîy: "Eger zereyê şima de tersa Ho-

mayî bibînî, şima AKPeyî ra îstîfa kerdî.. Hetanê ke şima na partî de sî-yaset bikerê rîyê şima siya yo. Kesê ke Homayî şinasneno, gere ray nêdo AKPeyî. Çimkî AKP qirkerdox a û qatîl a."

Erdogan wa fekê xo nêerzo cenîyan

Serekê Komîsyona Cigeyrayışê Heqê Merdiman ya TBMMî Ayhan Sefer Ustun, derheqê qirkerdişê Roboskê de qisekerdişî ra rema. Ey zî ze Serekwezîrî kurtaj girot rojeva xo û ar ziwan ke gere kurtaj bêro qedexekerdîs.

Hetê bînî ra birayê Serhat Encuyî, Ferhat Encu, Enqereyî de amey binçimkerdiş. SES û TTBî zî vatişanê Erdoganî yê kurtaj û sezaryen ze qirkerdişê Roboskê nawnayo ra, berte-kanê xo mojnay.

Hetê bînî ra zî Platforma KESKA Manîsayî zî bertekanê xo, vatişê kurtajî ya Erdoganî ra mojnay û ard ziwan: "Wa Erdogan fekê nêerzo cenîyan wa berzo Robokê û wa qirkerdişî zelal bikero."

'Ordîyî veng weye kenê'

Wekîlê BDPEya Mêrsinî Ertugrul Kurkcu zî ard ziwan ke, qabê Roboskê hetanê neygamî gameke fermî nîyamayo eştene û vat: "Hikûmata ke nêşkeno welatijê xo û hêzanê bi çekin cîya bikero, belîyo ke mekanîzmaya pawitişî ya Tirkîyayî çîyekî ra nêbeno. Bêleheq ordîyake wina yeno weyekerdîs."


Wa berpirsiyaran bivejê

Serekê Yewiyeya Tabîbanê Tirkîyayî TTB dêwa Roboskê ziyaret kerd û vat: "Roboskê cînayet û qirkerdiş o. Qabê jana malbatan tikey vindero lazim o ke bi lez berpirsiyaran gere bivejê meydân."

Partiya Sosyalist ya Pelixayeyan (ESP) çalakîya dijî vatişanê Erdoganî yê ke kurtajî ra protesto kerd, ema polîsan 4 cenîy girofî binçiman.

Semedê ke noştoxê rojnameya Yenî Şafakî Alî Akel, vatişê Erdoganî yê kurtajî şirove kerd ra karî ra amey qewirnayış.

Platforma Cenîyanê Îzmîrî zî bertekanê xo vatişanê Erdoganî 'Her kurtaj Roboskê yo' ra bertek mojnay û vat ke "Ti fek kutajî ra veradi, Roboskî roşn bikeri û faîlan veji meydan û hesabê ey bidi." Pey ra 3 saetan çalakîya roniştişî darfinay.



Edalet ci ca yo?

TUHAD-DER a Mûşî zî daxûney da û waşt ke tecrîta ke Ocalanî sero wa bêro wedartiş û girotoranê ke nîweş ey wa bêre azadkerdiş.

'Tecrîti zere de tecît esto'

İHDA Stenbolî zî semedê tecrîda Serekê PKKî û Şarê Kurd Abdullah Ocalanî sero esto ra daxûney da. Vatişanê ïnan ra ame mojnayış ke tecrîti ra bi guman ey û vat: "Ma tecrîta ke Îmralî de esto ma keno fikara gumanan mîyan. Ma ewnîyenê ke tecrîti mîyan de tecrît esto. No nîno qebûlkerdiş. Lazimo ke hikûmat ney rewşî weş bikero." Hetê bînî ra zî İHDeyî ard ziwan ke lazimo ke Europa ney ra bêveng nîmano û CTP ney mijarî sero bivindero.

İHDe ya Amedi zî bilançoya îhlalîy heqê merdiman yê 2012 ya 4 mengan eşkera kerd. Serekê İHDeyî Racî Bîlîcî ard ziwan: "Îhlalanî heqê merdiman serra 2011 pey de verda. 2012 mohra xo da îhlalkerdişan ro. Xeberanê binçimkerdiş, îhlalkerdiş, tecrît û zîndanan de îhlala heqan zêd bîyo û zediyeno."

Endamê Platforma Têkoşîna Dijî Tecrîdi, zext û zordarîy ke girote û hukumwedan ser esto protesto kerd. Veng da heme kesan ke wa dijî ney kerdişanê nîweş vengê xo berz bikerê û vindetîşê xo daha zî tûnd bikerê.

Wa heyet bişero Îmralî

Heyeteke mîyanê ey de welîlanê BDPEya, pawitoxanê Ocalanî û rayîrberanê İHDeyî semedê tecrîta ke Ocalanî sero esto û weşeya Ocalanî bêro zanayış ra sere day Yewiyeya Tabîbanê Tirk. Waştişnameyi de rewşa Ocalanî sero bal ontebi. Û waştê ke heyeteke serbixo wa bişero Îmralî û cigeyrayışan bikero.

Tirkîya de edalet nîmendo. Her roj İHD û rayîrberê sîvîlê bînî daxûyanî danê ke, wa AKP bikewo rayîrê raşt. 10 mengî ke Ocalan de pêvînayış nêbîyo

EDALETE Tirkîyayî polî de mendo. Qanûnî xo binpay kerdî û hewna zî qanûnî ra behs kenî. 10 mengî ra zafêr o ke semedê va û hewa û xiripyayîş keştiyî ra ano ziwan ke pawitoxanê Serekê PKKî û Şarê Kurd Abdullah Ocalanî nîşkenê bişerê Îmralî û pêvînayış bikar bîyarê. Tecrîta Ocalanî sero her ke şino ze birînêka xorî dilê Tirkîyayî de ca gena û no zî qîm nê-keno girotayanê siyasi yê zîndanan de yê ke nîweş estêy. Raporê ïnan yê nî-weşxaneyî esto ke nîşkenê şert û mercanê zîndanî de bicuyê û doşega merdişî de yê. Ema Serekkomar Abdullah Gul destûr nîdano ke ey girotayî azad bibêy. TUAD-DER semedê îhlalkerdişê heqê zîndanan ard ziwan ke, heri zaf zext û zordarî dewra AKPeyî de zêd bîyê. Waşt ke wa tecrîdê Ocalanî ser o bêro wedartiş, zîndanan de nîweşî bêre veradayîş, şert û mercê zîndanî wa bêre weşkerdiş.

Operasyonê leşkerî zaf zêd bîy

lîsî Norşînî mîyan de koyê Bilîcanî de operasyona bi bejâyî ra ya hewayî zî ame darfinayîş.

Qeza Sêrtî Berwari de HPGyîjan maşineya erzaqê leşkeran veşnaya.

Bedlisi de dewa ke girêdayê merkezi bi de HPGyîjan rayîr kontrol kerd û 6 cerdevan girobîy binçiman. Ney sero warê cerdewanan sere day İHDeya Sêrtî. Bejayeya Şîrnexî de operasyona ke TSKî dabî destpêkerdiş de yew çawîşê pîspor cuyê xo vinî kerd.

Amed-Mûş-Çewlîg de pêrodayış de gerîlayê HPGî Ramazan Ceylan gonê xo kerdibi vinî. Cenazeyê ey bi hezaran rey de Licê de ame de-

finkerdîs.

HPGyîjan, Çolemêrgî de, bi topa hewanî êrîşê Qereqolê Cendermeyan yê Serbestî kerdî.

Qezaya Pinarbaşya Kayserî bi tifingan êrîşê yew maşineya ke waşt bikûro zereyê hewşa ïnan ked. Di encamî de, bomba ke maşineyî de teqyaya, ïnan ra 2 polêsi, 6 ïnan giran, bi temamî 18 kesîy birîndar bîy.

Merkeza Vartoya Mûşî de pey merdişê astsûbay Erdînç Aydin (24) operasyon ame darfinayîş û encamî de yew çawîşê pîspor birîndar bîy.

Dewa Gimigim (Varto) de dewa Girêmîrân leşkeran girot binê kordonî. Dewijan sero zextîy amey kerdî.

Qezaya Qamûşan (Sarıkamış) ya Qersî herêma Mescitîlî de êrîşê qereqolî kerdî. 2 leşker birîndar bîy.

Dewijê Gimigim mîyanê pêrodayışî de mendîy. Herêma Gimigim û Xinisa Erziromî mîyan de 3 helîkopteran bombebaran kerdî. Herî peynî zî Koyê Kato de operasyon ame destpê kerdî.



Bendawîy qabê sînor viraştisiyê


■ NAVENDA XEBERAN / AMED

TIRKÎYAYÎ de serranê peynî de waştişa viraştisê bendawanê HES û awdayîş zêd bîyê. No ze politika dewlettî ameyo qebûlkerdiş. Welatiyî û taxijê ke HESiy yenê vişraştene bertekanê xo mojenenê ema nafile aseno.

Tirkîya bi cografya xo qabê bendawan musait a. Ema encamê ke peynîya viraştisê bendawan de kesî nêhesip-neno. Çimkî denga xozaya bi mîlyon serran, çend serran mîyan de yena xirabekerdî. Ewro semedê viraştisê HESan ze enerji danê mojnayî ema eslê xo de hinî nîyo. Wazanê ke kurdan mîyan de bi awe sînoran virazê û polîtika postmodeleya newe, perçê bikî û idare bikî.

Wazanê kurdan perçê bikerê

Bi se serran o ke waştişê serdestan o yo ke kurdan senî biqedînê û senî asîmîle bikerê yo. Ema kurd heta ewro nêşkîyay kuradan biqedînê û bi temamî asîmîle bikerê. Ema zirarê zaf girdî dayê kurdan ro Çand, huner û ziwanê kurdan perçê kerdey û hewna zî wazanê ke kokî ra wederâ. Ema heta ney gamî nêşikay ke kokî ra hal bikerê. Serranê peynî de zî bi



polîtikayanê awa bendawan wazanê HESan û yê awdayîş ava bikerê. Şar bertekê xo mojnay, ema qîm nêkeno. Hikûmata bê hiqûqeya xo her tim dijî şarê ke bertek mojnayo ardo ziwan û firmayê girdî pawî. Derheqê ney mijarî de zî dema bi dem xeberî vejyay.

Bendawîy kenê sînor

Polîtika newê ya Tirkîya û serdetanê bînan yê ke emelê ìnan Kurdistanî sero estêy, serranê peynî de ewnîyay ke bi polîtikayanê kan nêşenê kurdan aşt û naşt bikerê û biqedînê. Çend serrêy peynî de polîtika xo

ya meşhûr ‘perçê bik û rayîra bibi’ kerde rojevî. Ney zî bi musadeya cografaya Kurdistanî ya ke heme cayê ay ra awê herikyena wazanê bikerê. Qabê ney zî wazanê heme cayê ke çemî herikyenê de, bendawana bivirazê. Bi ney zî şîyiş û amayısan qut bikerê ke heme hawayî ra asîmîlasyon daha xorîn bibo û dayîş û girotîş kurdan kemî bibo, yeno fikiryayış.

Her bendawîy de tabûre esta

Dema ke merdim ewnîyeno her bendawêy ke na gam eştê, vînîyeno ke tabûrê leşker ya zî qereqolo ke nîzdî bendawî, an zî rayîrê bendawî ser o ameyê ronayış. Bi 10 km rayîr genê ra pey kurdan mecbûr kenê ke rayîra serê bendawî ra bidê ravîrayış û bi qereqol ìnan qontrol bikerî. No çî, bêro de zaf talûkeye qirkerdiş heme hawayê civatî xo de ano. Tabûr an zî qereqol nîwazo dê kurdê ney kişa bendawî nêşikyo ke bişero hetê kurdê aştine. Sînorê wînayine dê zaf zirar bido kurdan.

■ NAVENDA XEBERAN / AMED

Pirdê peyarayîranê Amedî ra ya ke cadyea Huzurevlerî koşeyê Camîyî de virazyayo him teng virazyayo, him zî goreya qanûnî gere asansor bibîyay nîvîrasto. No zî beno semedê zehmetîyanê berastengan.

Semedê berastenganê Tirkîyayî tikey rehet rayîra bişerî û astengîyê ke ìnan vero de yê bêrê wedartîş ra qanûn vetê. Hetanê ney gamî qanûn nîyarde ca. Zafereya Komeleyê Berastengê Amedî ard ziwan ke, moleta dewlettî ya 7 serr bîy, hezîranî de qedîyeno. Lazimo ke heme dibistanê, cemawer û pirdê peyareyan bi asansor bibî, ema hetanê ney gamî çiye bi çiman nîvîrazyayo.

Lazimo ke hikûmat pîrda peyarayîri ya quncikê Camîyî ya Huzurevlerî de yê bînan de, lazim o asansor ke berastengê bîbî. Ema goreya qanûnî kar nêkerdo û proje ava nêkerdo. Na gam berastengê lazimo ke bi kîlomîtroyan rayîr bişero kî bişero aştê pîrdî.

Qanûn kaxidî sero maneno?

Qanûna Tirkîyayî ya ke qabê berastangan vejya, çiye ke ma vînayo hewna zî herêma kurdan de nîyarde ca. Cayê bînan de eger virazyoyo se zî ma nîvînayo. Caye ke qanûn nêamewo ca, tede boyâ kufikî yena.

Rayîrberanê ke projeyanê virazenê goreya qanûn esto zî, hesabê berastangan nêkenê. No zî dano eysiyîş ke, qanûnanê ke kaxitî sero manenê zî estêy! Derheqê

heme çiye ke bi qanûn dayê berastangan, gere bîyamaynê viraştene.

Na menge de gere heme çî biqedîyaynî

Ma çend komeleyanê berastanganê Amedî geyray hemeyî ney rewşê ra gerekterdeyê û gazincanê xo anê ardî ziwan û vat ke: “TBMM qanûn vejeno ema nîyano ca. Na menge de lazim bi ke heme cayê Tirkîyayî de cayê ke astengey berastangan ra vejenê gere bîyamaynê tatîlatkerdiş û goreya ma bîyamaynê

dîzaynkerdiş. Ema ci hef ke heta na gamî ma çiye ke nîvînayo. 7 serr qedîyay mixê zî nîyamewo kuwayış.”

Waxtê rayan de êy ma anê vîrê xo

Berastengê ke nîwaşt nameyê xo bido ard ziwan ke, dema weçînayış nezdî beno ma berasetengî kunê vîra partîyanê sîyasî û wîna domna: “Wa partîyê sîyasî mevajê ke, ma qabê şarî xebat kenê. Goreya berjewendîyanê xo, hereket kenê. 7 serrî ravîrayê qaşo gere astengey nêmaney ema eyî tas û eyî hemam o. Wexta weçînayış vanê ma hina û hina kenê. Heme zûr êy. Dema ke yenê îktîdar, ma vîra kenê. Ey bo şerm o, ma zî yew perçeyê ne civatî. Mafê ma zî estêy lazim o ke bêro dayene.” Û wîna veng da heme kesê ke vanê ma domokratî, ka şima zî vengê xo qabê ma nêvejenê. De bêrê heqê ma bipawê.”

Komeleyî bibê federasyon

Herî peynî ard ziwan û veng da komeleyanê berasetanganê kurdan û yê Tirkîyayî û wîna qedîna: “Ez wazena veng bidî heme komeleyanê berastangan ke ma binê yew bonî de bibê federasyoneke zaf hîra ya Tirkîyayî. Eger wîna nêbo ma dê nêresê heqanê xo û berastanganê ke ney ra pey zî bêrê dê eyî hemam o. Wexta weçînayış vanê ma hina û hina kenê. Heme zûr êy. Dema ke yenê îktîdar, ma vîra kenê. Ey bo şerm o, ma zî yew perçeyê ne civatî. Mafê ma zî estêy lazim o ke bêro dayene.” Û wîna veng da heme kesê ke vanê ma domokratî, ka şima zî vengê xo qabê ma nêvejenê. De bêrê heqê ma bipawê.”



Cegerxwînî eş û dejiyayışê şarê xo zanaynî

MAMOSTE SILÊMAN

Şairê kurdan yo modern, Cegerxwîn; Serra 1903'ê de, ay wext, qezayê Mêrdîne, dewa Nahîyeya Gercewsê Hesare de amewo dinya. Cegerxwîn, 1914 de bi keyeyê waya xo şîyo nahîyeya Kamışlı ya Amûdî. Hetan peynîya Cengê Cihane yê Yewine, nêageyrayo dewa xo, Surîye de mendo.

Nameyê ey yo heqîqî, Şêxmûs Hesen o û lajê Mihemedê Mehmûdê Elî yo. Cegerxwînî; cûyê xo zor û zehmetî reyde vîyarnawo. Waxto ke may û pîy ey wefat kenî, sêwî maneno. Tay wext keyê waya xo de maneno. Heta yewendes serreyîya xo, neçarey ra keyeyanê dewlemendant de xizimkarey, axan û began rî şîwaney û paleyi kerda. Labelê leze na rewşê ra vejîyayo û xo dano zanîstî sîyar. Seba zanayeyî, şêxan û meleyan dima geyreno, dest bi wendişê feqîtey keno. Sey şarê xo rîyê dibistanan nêdiyo. Hima pancêserre beno, yeno Derika Koyê Mazî û Serra 1921'ê de, 18 serrîyaya xo de yeno Amed. Semedê perwerdeyîya dînî şîyo şêxan het. Ay dem de, mîyanê şarê de, de Mella Îskender Kazim warê perwerdeyîya dînî de perwerdeyî dano. Cegerxwîn, yeno Mella Îskenderê het û dest bi wendişê dînî keno. Mella Îskender warê netewîye de şarê hêşar keno. No xusus de, xebata sîyasî keno. Seyda Cegerxîn Derika Koyê Mazî de, reya yewine perwerdeyîya sîyasî ser o xebitîno. Hewt-heşet serî mîyan de, wendişê xo temam kerdo û îcazêtê xo Mele Fethûlî ra gi-reotto. Wexto ke medrese de perwerdeyî veyneno, derheqê kulturê edebîyatê kurdkî de, wayîrê zanayışê bîyo, klasikî kurdkî wendî.

Cegerxwîn semedo ke şarê xo mîyan de geyrayo, heme çîy bi çimanê xo vînay û qabê şarê ey rehet bikero, heta peynîya cûyê xo têkoşînêka bêhempa daya.

Ewro zî rayî ra roşnî keno


Welatperweryea xo hisyar beno

Dima zî tikê mellayeya dewan kerda. Ay wext mintiqaya ey de, di hediseyî pîlî bîyî. Nê hediseyî ke bîyî, sebebê bedilî-yayışê kesayeteya ey benî. Meylê xo tadowo welatperweryea sîyar. Nê hediseyî;

1-Cengê Cihane yê Yewine de, seba azadîya şaran, yew zemîn virazîyêno. Peymana Sevrê de, sey şaranê bînan, kurdi Bakûrê zî yenî şinasnayış û labelê, vera na peymane, kayê tirkan dewam kerdnî.

2- 1925 de Herbê Şêx Seîdî de û dima serdestan; çimsureya kurdan kerdnî, bi hezaran kurdi kiştî. Reyna bi seyan şoreşgerê kurdan şîyo Surîye. Nê şoreşgeren Surîye de, 1927 de komelêka bi nameyê "Xweybûn" saz kerda. Cegerxwîn zî beştarê na komele bîyo. Dima zî bîyo endamê na komele.

Cegerxwîn, 1925 de beştarê serehe-



wanayışê Şêx Seîdî beno. No serehewanayış ra pey şono Surîye.

1928 de bi kurdî dest bi nuştişê şîran kerdo. Hawar de bi nameyê Cegerxwînî şîri nuşti.

1949 de yew kombiyayış de, komînîstan şinasneno. Têkilîya ey û komînîstan yew dem dewam kena. Hetan Serra 1957'ê serekeya "Seba Cizîre Komîteya Aşî" kerda.

Nê serran de, beştarê Partîya Demokrasî yê Kurdistanî Surîye beno.

Hetan wefatê ey, endameya ey na partî de dewam kena. 1958 şono Iraq û Unîversîteyê Bexdayê de beşa edebîyatê waneno. 1961 de Iraq de Herketê Netewî rî ardim keno.

Ewta de, perwerdeyî daya, qadroyanê na partî. Akademîya Kurdistanê de no xusus de ders dano.

Wexto ke, zorê Hereketê Başûrê şono, serra 1963'ê de rayna ageyreno şono Surîye.

No dem de, Cegerxwîn; dest bi nuştişê şîran keno û Kovara Heware de nê şîranê xo dano weşankerdiş. Serkewtişê şoreşeya kurdan dima, Cegerxwîn şono Başûr û zanîngehanê kurdan de ders dano.

Serra 1979'ê de vera xo tadano şono Siwêd û Bajarê Stockholmê de roşeno. 22'ê Rezbere 1984 de qelbê ey vindeno û wefat keno.

Axatey û şêxtay qebûl nêkerdnî

Cegerxwîn, heme cayê welatê game bi game geyrawo, her cayê welatê çiman ra vîyarnawo. Wexto ke welat de geyreno, axayey û şêxey; sey saziyanê fermî

Heme het ra şarê xo zanaynê

Cegerxwîn, heskerdoxê kurdkî bi. Bi hîş û fîkrê xo, bi bîr û bawerîya xo, welatperwerêko erjaye bi. Cegerxwîn rasteya nizaney, xizaney û perişaneya mileta xo baş zanaynî. Zilm û tehdaya ke kurdan ser o bona, vera nê zilm û teda mucadele dano. Kurdistan de heme çîy çiman ra vîyarnayî, ele-qederê heme hediseyanê netewîyan bîyî. Cegerxwîn, seba bedilîyayışê qederê kurdan û karkeran û xizanan; rîexistinanê sîyasîyan de organîze bîyo û no war de mucadele (têkoşîn) dawo. Cegerxwîn; şâîr, siyasetwan û nuştxo zaf pîl û namdar o. Derheqê xebata Cegerxwînî de, çend kitabî (pirtûkî) yan yê şîran amey nuştiş. Nê kitabî (pirtûkî), derheqê cûyê (heyatê) Cegerxwînî de, tam yew malûmat nêdanî.

ameynî qebulkerdene. No dem de, axay û begî nîzdî ra şinasnayî. Cegerxwînî axayey û şêxîyey qebûl nêkerdnî.

Mijara eseranê ey

Cegerxwîn, seserra 20'ine de ciwîyayo. Tarîxê kurdan zaf hediseyanê muhîmê ke na seserre de bîyî, Cegerxwînî nê hediseyan de, ca gi-reotto û şahîdî nê hediseyan o.

Wextê seferberlikê de, xela (qitlixe), veyşaney, talan, nêweşey çok ra bîya. Hem serehewanayışê Şêx Seîdî

de, hem şoreşgerîya Iraqê de, hem zî serranê 1970'yan de rîexistinbîyayışê kurdan de, hem bi qelema xo, hem zî bi xebata xo ya sîyasî yew xizmeto pîl(gird) kerdo.

Prosesê nê hediseyan de, hem bi teorîya xo, hem zî bi prafîkê xo, rôlêko muhîm kay kerdo. Yewna het ra zî hetan emrê ey bîyo, ziwan, tarîx û folklorê kurdan ser o xebitîyawo û no xusus de kitabî nuşti û kovaran de nuşteyê xo dayî çapkerdiş. Eyro zî zaf parçeyê muzîkê yê Şivan Perwer û Cîwan Hecoyî, şîranî ey ra virazî-yayî.

Ti mezelê (qebra) xo de rehet bî, ma esla, to xo vêrî nêkenî.

Eserê ey

Kitabê Cegerxwînî a yewin 1947 de, Çim û Gulperî ra pey heşt dîwanê ey weşan bîyî. Dîwano yewin, 1974 de weşan bîyî. Dima zî tarîxanê cîya-cîyan de, Şam, beyrût û Swêd de, hewt hebî dîwanê Cegerxwînî weşan bîyî. Di kitabî vîrameyîş û yew zî kitabê hîkayeyê neşr bîyî. Cegerxwîn, şîranî xo de, temaya heskerdişê welatî, şoreşgery, internasyonalîzmî ser o vindeno. Semedo ke kurdî azad bîbî, tarîyey ra vejî roşney; hem bi şîranî xo, hem zî bi xebata xo ya sîyasî, ci destê ey ra ameyo kerdo.

Eserê Cigerxwînî şûrê Kurmanckî:

1- Dîwana yekem: Prîsk û Pêti, 1945 Şam

2- Dîwana diwem: Sewra Azadî, 1954 Şam

3- Dîwana siyem: Kîme Ez? 1973 Beyrûd

4- Dîwana çarem: Ronak, Weşanê Roja Nû 1980

5- Dîwana pêncem: Zend-Avista, Weşanê Roja Nû

6- Dîwana sesem: Sefeq, Weşanê Roja Nû 1982

7- Dîwana heftem: Hêvî, Weşanê Roja Nû 1983 Stockholm

8- Dîwana hestem: Aşî, Weşanêneye Kurdistanî 1985 Stockholm

Ziwan û Ferhengê Kurmanckî

1-Destûra Zimanê kurdi, 1961 Bexda

2- Ferheng, perçê yekem, 1962 Bexda

3- Ferheng, perçê diwem, 1962 Bexda

Açarnayışê Cegerxwînî

Kurd. Basîl Nîkîtin (tercume)

Minoriskî (tercume)

Leyla û Mecnûn (tercume) fin (tercume)

Baqismatî res (tercume)

Tarîx (Tarih)

Çend Soresên kurdên kevnar e

Destûra Kurdistanê

Dewleta Eyûbî li Yemenê

Tarîxa benî Eyûb perçê 1

Tarîxa benî Eyûb perçê 2

Tarîxa benî Eyûb perçê 3

Not: Mi no nuşteyê xo de, Antoloji.com û nuşteyanê facebookî ra istifade kerdo.

Lîseya mamosteyan, na ya

Wendoxê Lîseya Hunerî a Amedî de, wendoxê beşa wenevê zafêrî pîraniy û yê mûzîkî zî Kosera Mêrdinî ra yê. Heme benê mamostey

Ehmedê BIRA / AMED

LÎSEYA SPOR û Huneranê Weşananê ya Amedî, hetanê ney gamî nezdî 600 wendoxî perwerde kerdî û hima zî hemeyê ïnan zî na gam mamostetî kenê. Wendoxê lîseyî beşa wenevê nezdîyê seyî ra 90, qeza Amedî Pîran ra yê. Beşa mûzîkî de zî zafereya wendoxanê ey qeza Mêrdinî Koserî ra yê.

Mudirê Lîseya Spor û Huneranê Weşananê ya Amedî Bakî Sevgîlî ard ziwan ke, zafereya merdimî, espirîya lîseya ïnan fam nêkerda. Kesê ke fam kerdê ra pîraniy û koserij êy.

Kam biwano beno mamoste!

Mudirê dibistanî Sevgîlî ard ziwan ke, wendoxanê ma ra zaffi ïnan beta nêmanenî, mamosteyê û wina domna: "Na game mamosteyê ma yê ke wane danê, zaferey wendoxanê ma yê ke ma mezûn kerdî yê. Hemeyî zî jîr û kesanê ke espirîya lîseya ma fam kerdî yê. Derna ke lîse wendnê, ïnan zanaynê ke eger tikey xeyret bikerê, dê bibêy mamosteyê weneyan, muzîk û sporî û na gam zî zafereya wendoxanê ma yê ke mezûn bîyê Tirkîya de tewir tewir cayan de mamostetî kenê."

Kesê namdar zî estêy

Sevgîlî ard ziwan ke, wendoxanê ma mîyan de, kesanê namdar ke na gam bîyê warê miqameke berzî zî estêy û nameyê ïnan wina bi name kerd; Ferîdûn Çakar-Hunermendê Operaya dewletî, Bahtiyar Onder-Senfonîya Orkestra Stenbolî, Rûken Oztopalan-Orkesta Senfonîya Îzmîri de na gam alîkarê mudîri ya û ard vîr ke, ze nînan zaf wendoxê ïnan yê namdar estêy û heme cayanê Tirkî yayî de vila bîyê.

Wenevê de pîraniy, mûzîkî de zî koserij zaf

Sevgîlî rixneyê xo şarî ra kerd ke zafereya welatijan hewna espirîya lîseya ïnan fam nêkerdo û wina dewam kerd: "Ez na bi dil vana. Eger wendoxêke ma tikey xeyret bikerô beno mamoste. Ze pîseyanê bînan nîyo.

Karê wendoxan Ney dibistanî de hedre yo û seyî ra 90 beno mamoste an zî cayeke bînî de nanê xo vejeno."

Humara wendoxanê ke kamcin herêmî ra ameyê de zî wina vat: "Ewro Amedî de kesanê ke espirîya dibistana ma famkerda Pîrana qeza Amedî, Mêrdinî de zî qeza ay Koser a. Dibistana ma ya razayışî yo ra de-weranê dûr ra zî wendoxiy şikyenê bêrê biwanê. Ewro pola wenevê yanê resimî de ez şikyenî vajî seyî ra 90 çend dewêy Pîrani yê. Ney dewan de zaf mamosteyî vejjay û ko bivejê. Çimkî ïnan weş famkerda ke wendişê ïnan qedîya ra pey bêkar nêmanenê. Heto bînî de Koser zî eynî winî fam kerdo ke, veng nêmanenê ra lîseye ma tercîh kenê û gedeyanê xo eşra-wenê hetê ma û ma zî ïnan kenê mamoste û demeke kilmî de ïnan bi cuyayışî ra girê danê."



Verrojî rê zîndanî ra name

HASAN ALKİŞ

Embazê erjiyayî û delal i.

Ma bê xêr bî. Heme çî ra verî ez şima périn rê zerre û canî ra silam û hurmet, bi heskerdişê xo şiraweni. Kar û gureyê şima da serkewtiş wazeni.

Ey embazê ke veşînayîşê rojnama Verrojî de ca girotê ked dayê, ez kulîne labelê kulîne yew bi yew piroz keni.

Zerrî û mezzgê şima dest û payê şima weş bê. Keyê şima şen û awan bo. Senî ke Azadiya Welat zî vatibi, çimê ma roşnî bibê! Çimê ma heme kurdan, kırmancan / zazayan roşnî bê! Senî ke roja ke Azadiya Welat dest bi weşîna xo kerd, a roje ke tarîxî bîye, semedê ma kurdan, ewro (15 Gulana 2012) zî weşînayîşê Verroj zî semedê zaraveya ma kırmancî tarîx ameyo nuşyaye. Na roje do ze 15 Gulana 1932 weşînayîşê Kavara Hawarî, ya Azadiya Welatî, Verroj zî tarîxî de cayê xo bigero.

Wexto ke ma mizgîneya vejya-

yişê rojnama Verrojî Azadiya Welatî ra musayî, bêsebir pawitê ke roja bîne Azadiya Welatî bero. Labelê 15 Gulana 2012 de ma rî Azadiya Welat nêardî. Ma humar Verroj a sıfeyine nêdî. Şima texmîn kenêke ma senî xemgîn bîy. Wa bo. Ma nêvînê û nêwanê zî, ma zanenê ke roja roşanê ziwanê kurdî de, şarê ma di roşan pîya cuya.

Ez weşînayîşê rojanama Verrojî gama ke zaf erjiyaye, muhîm, gîrs û tarîxî vîneni....

Şima roja roja zianê kurdî de zareveya ma ya tewr kan û qedîm kırmancî / zazakî welatê ma de raya dolimî sıfeyine hewteyine neşr kerd. Do tarîx û şarê ma, no ked û xebate şima yo piroz / firaz vîr meker. Do wayir bivejyo û avera biber....

Diwarê avarşîyîşê ziwanê ma, qisekerdiş û wendîşî de bîbo bikerô sexlem, xurt û hîra. Ez bawer keni ke, do ziwanê ma ze vilîkê gulan bi reng û reng, bi potansiyela xo dewlemed abikero.

Min hewna Verroja ma ya rindike nêwenda. La belê taxmîn keni ke ombazan senî bi hîs, kerd û xe-bata rîndik xemelnayê. Heta hewteyâ bêro, çimê ma do Azadiya Welat û Verroja ma de bo...

Ez fîkr û peşnîyazê xo bikerî:

Heme hepisxaneyan de ombazî ke kirmancî sero xebat kenê estêy... Ney ombazan rey de têkîli bivirazê. Hepisxane de wext û ımkân zaf estê. Ney ombazî bi nuşteyanê xo yê hewa bi hewa Verroja ma gula ma ziwan û şarê ma weyî bikerê...

Beno ke ma sere de, bi ziwanê mintiqâ xo binuşê. Xisar çîno. Bi na rayîrî do potansiyela dewlemedeyâ ziwanê ma bivejyo werte. Hetê bînî de dê fek û mintiqayî yewbînan bisînasnê, bîmûsê û ziwanekke standart bivirazyo... Lazimo ke gramer zî her hewte bêro dayene, do dahan weş bebo...


Heme kedkaran rê serkewtiş... Selam û hurmet.

* Zîndana Kirikkale-Hacilar Tipa F ra

Têgeyrayîş

Zerweş Esnaw

Zerwesesnaw@gmail.com



Roboskê, çareyê AKP de lêmo qer o

Qırkerdişê Roboskêyi de hema zî súçdar kifş nêbiyo û goreyê na hawa zî súçdar yan zî súçdarî ko nêvejiyî raşte. O ke aseno na mesela derdê AKPye zi niya û AKPye rî bar û kar nêkena. AKP vana: "No gureyê ser ro zaf meşîrî û zaf meyerî rojeyî. Eke tazmînat o; ma da yo, eke ma dejîyayî; ma vat ma dejîyayî, eke şasîkî reyde no gure biyo; e ma vato şasîkî bîya. Hinî şima ci wazeni? No gure zaf derg mekerê, goş pamekewî, padê wa biqedîyo." La ê vanê qey kî pereyan bidê na mesela safi bena? No qırkerdişî de hîris û çar mîrdimî merdî. Eke dewlet vana ez dewlet a, súçdarân bivîne û cezayê ïnan bide, ti ci vindena? Heme çiy destê to de yo. Zerba to bivaza ti şîna yew hewteye de çareser bikera. La ti qayil nêya, ti wazena ke tazmînat reyde na mesela bipadiyo. Hî AKP! Ê meytan mîyanî de yew şima ra bibîyînî şima senî súçdar vetînî û hema ceza da-yînî û dînyaye ïnan ra teng kerdînî. La ney, nê kurdi, merdî se beno, ha ê merdî 'ha heywanî merdî' şima rî ferq çîn yo. Dewleta demokratîke şarê xo rî est a, xizmeta şarê xo rî kena û no gure, deynê mil de aye de yo. La ti AKP, eke ti xo demokratîk vînena biyere na mesela safi bikerâ. Xo rî demokrat mebe. La ti ci ca, çareserkerdiş ci ca? Çend aşme vêreto hema çiy raşte de çin o. AKP, tim û tim serê mesela senî bipadiyo, fikîryena. Kê pêzere nêbi, kî qet nêwazeni meseleyî çareser bîbî û AKP zî no gureyî de polî (sinifi) de mend. Çimkî pêzere nê gureyê ser ro nêvindert. La no gure roj ko biyero sereyî AKPye biwero.

Roboskê û meseleyê bînan pêroyî zî semedo ke meseleya kurdi çareser nêbiye vejiyeyî. Heq û hûkûkê kurdan, Tirkîya hayanê inka bidayînî û nê heqî hemînan zî însanî yî, na mesela rewna çareser bîyînî û hîndî mîrdimî vengî ra nêmerdînî. Heyf nêyo hende mîrdimî cuwanîyê û xortîyê xo de mireni? Hayanê serê ma de na nêkifşkerdi nêhawaniyo ma rî asanî çînî ya. Kam ke biyero iktîdar, heqê kurdan nêdo caran iflah nêbeno. Tim û tim dej û zordarî de maneno. Cîko komare ronîyayo; kişîşî reyde, vînîkerdişî reyde, tanq û tifinkî reyde vatînî qey na mesela hal bîba! Vînayî ke na hawa zî çare nêya. Na rayvanî; şima est i, la ganî şima hawayê ma bikerê. E, şima kurdi la şima kurdê ma yî, vanî. Ma kurdê xo yî û hayanê peynîyê dînyaye biyero zî, ma yê xo yî. Ma, bindestî zî kok ra qebul nêkeni. Biyerê! Ma no şero lêminî hinî biqedînî û ma hinî hesrê çimanê dayîkan nê-vînî. Aşti bîba, merg çîn bo.

Bi goreyê vatişan, merdimo ke ters ser ro est bo, cinan bikewo ûsn. benê na çalike ser û nîweş çendeyêk na çalike ser ro beno, zafane nîweş çale ser ro keweno ewn. Qaydeyo ke qalkenê vanê nîweşo ke çalike ser ro rakeweno nîweşîye ra xelesiyeno.

Rayna bi goreyê vatişan wexto ke yew cinan keweno benê çalike ser, nîweş rakeweno, se-

rekê cinan yeno hember nîweşî û vengdano eskeranê xo û vano; şima ra kam tekîlê na ce-nîye/camerdî bîyo? Sew cino ke têkilê nîweşî bîyo, eskerê Şayê Cinan mîyan de bo ey ra vano ti nê merdimi ra xo dûri danê.

Sey na çale Hêniyî de yew xan zî bibîyo, la no xan bin bendawe de mendo. Ewo zî merdîmî ser çalike de nîweşîyanê xo rî şîfa gêrenê.

Hêniya rengîn û cayê afetan

AVER PAYIZ


Qezaya Hêniyî, 97 km. hetê bakûrê Amedî de ya. Bakûrê qezaye de, Dara-hêni û Çewlige est ê. Bakûrê rojawanî de Xarpêt, rojawan de Pîran, rojhelatî de Licê, başûrî de Amed, başûrê rojhelatî de qezaya Karaze est a.

Berziya qezaye, behrî ra 1200m ya. Qezaye mîyanê koyan de awan bîya. Heyrayîya qezaye 415 km est a. Bakûrê qezaye de koyê Nem û Babixî, başûrê qezaye de koyê Çîmen û Dîbrî ca gênê. Maberê koyan de Deşta Hêniyî est a. Koyê ke bakûrê deşte de ca gênê bi boxazê Babixî û yê ke hetê başûrî de ca gênê bi Boxazê (gelî) Gabanî abenâ.

Warê weşey û geşeya
merdiman ra yew zî Hêne ya.
Bi heynîyanê xo, gan dana.
Eynîya ey ra yew zerîkî ra weş yena. Zaf şariştanî tîyara râvîray û bandora xo dayê tîya

Cayeke serd o

Qezaya Hêniyî kewena hetê bakûrê Kurdistanî. Semedo ke ma maberê Amed û Serhedî de ca genê, hetê hewayî ra taybetîya her di hereman zî nîşan dana.




Hamnanan hewayê qezaya Hêniyî zey hewayê Amedî zaf germ û bejî yo. Zimistanan zî zey hewayê Serhedî zaf serd û derg o. Bi taybetî zimistanan hewayo serd o ke, serhedî de aseno bi rayerê boxazê Babixî qezaye gêno bin tesîrê xo. Hawayo ke Amedî gêno bin tesîrê xo bi rayîrê boxazê Gabanî reseno qezaye.

Wextê verî de zafane banî mîyanê deşta Hêniyî de ameyê awankerdiş. Labelê semedo ke hereme de sey erdlerz, laser û ûsn. afetî sereser de ameyî û banî xerepyayê, şarî Hêniyî xo dayo hetê bakûrî û resayê heyâ bin koyê û te de banê xo awan kerdê. Qezaye bêplan ameya awankerdiş. Kuçeyê qezaye zaf teng û têmîyan kewteyê. Qezaye de çar taxî est ê. Cayê taxa merkezî, verê goristanî de be la ewro bîyo cayê bazirganîye.

Taxa sûke de banî zaf bikereyan û betonî ameyê viraştiş. Na taxe bi çimeyê awa Eynkebirî û Camî û Parqe namdar a. La na taxe de bazirganîye nîmenda.

Taxê qezaye êy bînî zî taxa Zîrve û Deregan a. Heme banê nê taxan bi kereyan ameyê viraştiş. Hereme de tewr vîrînê her di taxan de merdiman ca dayo xo labelê, wextî mîyan de, cayê neweyî awan bîyê û merdiman xo dayo cayo newe qîmetê nê taxan zey verî nîmendo.

Bi goreyê humaritişê nufûsê 1970'î nufûsê qezaye 18 hezar û 164 kesîy bîy. O wext qezaye ra giredaye 17 dewîy û 12 mezray bibî. Nika, mîyanê qezaye de nufûse 10 hezar û 302, nufûsa dewan 27 hezar û 516 kesîy yê. Heme tîmiyan de, nufûse 37 hezar û 818 yê. Vîst dewîy û vîst û hîrî mezray giredayeyê qezaye yê.



Heynîya Eynqresî zerîkî weş kena

Hêniya Hêneyî ya namdar, eynqresî a. Hêniyî ra 2 km'î dûrî yo. Zaf cayan ra yenê ney heynîyî ser û şîfa vînay. Vanê awa Eynqresî semedê nîweşîya zerike (sarılık) şîfa ya, semede na awe zaf cayan ra merdimî yenê Henîyî. Şîfa dana zaf kesan û weşey vila kena.

Ulû Camî

Tarixê viraştişê camiye zelal nîyo. Texmînî se serra 15 de, Selçûkîyan vîraşta. Bi nameyê "KizilKîlise" zî yena zanayış. Camîye serranê 1684, 1779, 1780 û 1870'î de amewa tamîkerdiş.

Tarîxa Hêniyî

Nameyê Hêniyî ewroyê kam cayî ra hameyo nîyeno zanayış. Panayîşê nameyî ser o tay efsaney est ê. Nê efsaneyen ra yew vano ke qezaye, nameye xo hêneyê "Aynkebirî" ra girewto. Ya bîn zî nameyê xo Heynîya ke qabê zerîkî weş keno ra beno ke girotbo.

Tarixê awankerdişê Hêniyî zelal nîyo. La yeno qebûlkerdiş ke, tewr verî şaranê Sûbarû ra Hûrî û Nirbîtiya de cû-yayê. Demêko derg na hereme (mintiqâ) bin destê Hûrîyan de menda. Badê ïnan babanê ïnan ra Mîtanîyan dest kewta. Mîtanîyan ra pey hereme dekewta bin destê Asûr û Ûrartûyan. Hêniyî ser ro zanayışê tewr verînî çimeyanê Asûrîyan de (V 8) ca gênê. Bi goreyê zanayışê nê çimeyan, semedê bindestkerdişê Amedî mabînê Ûrartû û Asûran de şerrî viraşiyê û nê şerrî hereme Hêniyî de benê. Ey tarîxi ra na heta dewletê ke bîyê wayîr Amedî bîyê wayîr Hêneyî zî. Urartûyan ra pey Hêni dekewta bin destê nê dewletanî İskîfî, Meddî, Makedonyayî, Romayî, Sasanîyî, Emevîyî û Abbasîyan. Şerrê Malazgirtî ra pey Selçûkî (1071) ïnan ra dim Dewleta Akkoyun û Safevîyan hereme dekenê xo dest. Hereme badê Şerrê Çaldiranî (23 tebax 1514) bena yê Osmanîyan. Hêni 1875'î de girêdayeyê Paloyî bî. Badê Licê ra giredeyena. Serra 1958'ine de Amedî ra giredeyena û bena qeza.



Medresa Eynkebirî hewna payan sero yo

Çekuya eynkebirî çekûyê ke erebî ya. Yena maneya hêni yo pîlî.

Hewza Eynkebirî mabeynê Ulû camî û Medreseyâ xatûniye de ya. Na awe bin koyê Henîyî ra vecêna û bi new ke-meran reyde resena hewze. Hewt çime-

yan ra awe rişyena hewze. IV 2000'î de bi kedê Hûrîyan ameya viraştiş.

Medreseyâ Xatûniye: Bi keda Zeynep xanime (Maya Sancar Şahînî) se serra 13'ine de ameya viraştiş.